

Cartulaire de Marmoutier pour le Vendômois, Nr. 55

Pateat successoribus nostris habitatoribus scilicet Maioris huius Monasterii Sancti Martini post nos futuris, terram quam Lisoius Iuisia nobis apud Semitarium vendiderat, Hamelino de Lengiacis, a quo eam in fevum habebat, auctorizante, Hugonem fratrem Hamelini nobis calumniatum fuisse, dicendo scilicet quod cum fratris sui auctoramentum super terra illa habenda multis redemissemus nummis, suum ne requisitum quidem fuisset a nobis. Unde, cum iam nos depredatus fuisset, invitavimus eum ad concordiam paci et quieti ex more consulentes. Venit itaque in capitulum nostrum, acceptoque a nobis societatis nostre benefacto et IIIor denariorum libris, quicquid frater suus nobis auctorizaverat gratanter et ipse per fusticulum quendam domno abbati Bartholomeo, dans illum in manu, auctorizavit. Deinde super altare ecclesie nostre eundem posuit fusticulum. Testibus istis: Seranno milite – Gausfredo de Salmuro – Witberto calvo – Gausfredo homine Rotberto Bodardi – Hugone homine Seranni – Frotmundo, qui recepit denarios – Sigemaro cellarario – Rotberto cellarario – Alberto pistore – Otgerio carpentario – Vaslino de Tavenno – Hildemaro flevotomatore – Durando de Parciaco – Herveo Francisco – Archembaldo pistore. Eodem vero anno, tertius eorum frater, nomine Gualterius, in capitulum nostrum veniens, guerpivit eandem calumniam, cui dedimus XX solidos. Testibus istis: David mercatore – Erinaldo clerico – Giraldo coquo – Odone coquo – Bernardo coquo – Rotgerio sartore. Data mense maio, anno ab incarnatione Domini MLXV, presidente nobis domno abbate Bartholomeo.